





鈴山堂集卷第三十三目錄

碑 阡表

勅修棗林祖塋紀 恩之碑

嘉林阡表

慈德阡表

太子少保吏部尚書恭肅周公墓表

南京戶部尚書約菴周公墓表

贈尚書實菴胡公墓表銘

畜德發祥之碑





鈴山堂集卷第三十三

碑 阡表

勅修棗材祖塋紀 恩之碑

惟我祖考純德府君既卒且葬之三十有八年其孫  
嵩叨爲 天子輔弼之臣既得 賜誥累贈府君少  
傅兼太子太傅吏部尚書謹身殿大學士惟是先塋  
在故鄉蕪陋久不治蒿謹具疏言臣少失怙賴祖教  
育成人臣甫得第祖隨故彼因貧乏聊且營葬每圖  
改遷未能如願此臣平生罔極之懷比聞塋被水嚙  
愈加傍徨弗克寧處切念臣祖荷蒙 皇上推恩賜



金山堂集 卷三十一  
官一品而丘壠荒穢有同民庶臣怛焉割中不孝之  
罪無所逃焉顧臣以職守未敢暫離即欲改葬無可  
託之人伏望 聖慈矜察暫准男少卿世蕃回籍代  
理其事存歿感幸之至 上曰嵩輔政有年勤勞素  
著伊祖驥著工部遣官造葬仍賜祭二壇不爲例而  
蕃 欽准賜假以行遣工部員外郎周薇董治塋役  
遣布政叅議方任袁州府知府徐禎 諭祭雨露之  
恩覃被幽壤山川草木俱有榮耀焉蓋今臣寮父母  
授封者例得祭葬至於上逮其祖 卹典追賜則前  
無此比也於是蕃恭捧 綸命抵家用特牲告于府

君之墓始議卜地改葬而謀諸宗老謀諸姻戚及鄉  
士大夫咸謂體魄安厝已久輕動非宜惟增拓規制  
修飭壞缺視塋後水所衝嚙之處實以厚土周迴繚  
以崇垣中闢神道樹 詔錫之碑前作拜享之堂凡  
所建造一准 典制以丙午四月始事十月迄工闋  
壯邃固風氣完萃鬱然改觀矣蕃事竣還京臣父子  
詣 闕下頓首謝嵩乃涕泣言曰嵩也不天早失慈  
父煢然孤童子也不自意遭際 聖明致位崇顯獲  
微寵靈以追崇其先豈嵩之能寔賴我祖宗積德餘  
慶之所致也維我 高祖平菴府君位至方岳邁績



儲休寔啓有家肆及我 祖蓄德行善志樂布韋不  
求聞達財讓諸父橫逆不校仁厚惠施不可殫述語  
在汪太史誌中雖生平遵晦一命未沾而褒大顯榮  
荐加身後然則天道福善旣久益章詎不有徵也哉  
惟蒿之弗類忝竊高位受 上殊眷報稱未能徒感  
且愧謹叙述 鴻典爰識歲月勒諸貞石昭示方來  
世世子孫仰戴 天恩於無斁云

嘉林阡表

嘉林者嚴氏之先塋在焉岡阜盤旋林木深秀詵者  
謂爲吉壤故名曰嘉林云始自吾曾大父今贈少傅

諱璉葬于斯弘治乙卯先君歿其年八月十五日祔  
于斯先君歿後五十年以蒿入 內閣累贈至光祿  
大夫柱國少傅兼太子太傅吏部尚書謹身殿大學  
士初任禮部時先君贈太子太保得學士張甬川先  
生爲撰神道之銘迺今錫命有加迺再伐石樹墓上  
以昭 聖恩而不肖蒿泣血自爲識曰先君歿時不  
肖孤年甫十六是歲寔當大比提學莆田黃先生按  
縣旣考預就試矣先君忽遘疾度不起撫而語之曰  
吾期汝一第以成吾志今若此命矣又曰凡學不日  
進則日退業無隳於垂成志罔畫於自足即汝他日



欽定四庫全書  
卷之三  
獲成吾志者吾目瞑矣言已潛然而泣嗚呼今尚忍  
言哉先君能詩善屬對性嚴毅弱冠出教童蒙諸生  
積楚不少貸不肖始能言坐置膝上口授之書督課  
寒暑不輟不肖方齒書史皆成誦亦能爲文先君喜  
語先夫人曰惟教此子他不足計也乃益禮致良師  
訓之集諸學徒而館餼之雖貲耗弗計鄉人群驩誚  
之忌者計散其徒以撓敗之而先君志益堅先夫人  
忍貧助之亦無少懈鄉邑鮮得異書問得一書手自  
抄錄俾習讀焉常曰世人恒市腴田以遺子孫吾惟  
遺汝一經用世澤物具在此矣因自號仰雲以見志

嗚呼此先君之爲教不肖如此也先君歷覽史傳常  
舉古人孝義事而力行之得一甘孺不奉親則不先  
嘗處二弟犯侮弗校其遜恐有人所不堪者媼族有  
急難援赴恐後家無餘蓄而輟已以調匱乏常如不  
及然性疾惡數面斥人過里中有爲不善者惟恐先  
君之聞之也人有售田者增直償之曰彼爲貧也多  
行善事而口不言曰所謂陰德者施於冥冥不求人  
知耳比卒遠近聞者嗟悼不置遠方遊士泣造墓下  
瞻禮而去日相續人始知先君有隱德云嗚呼此先  
君之爲志行如此也嗚也將何以克紹先德而敬承



金山堂集 卷之三  
明訓也耶先夫人晏氏慈德淑行別有表蓋先君歿後三年不肖舉于鄉又六年成進士列官于朝初贈先君翰林編修加贈禮部左侍郎又贈南京吏部尚書又贈太子太保禮部尚書兼翰林院學士五贈今官於是不肖孤泣而言曰古所謂賢人君子者非有甚高難行之事也惟以不失其良心克全夫天理民彝之正耳事親孝兄弟友待物仁臨財讓急困義無為其所不為能忍其所不可忍雖鄒魯上賢之至行不過此耳惟是數者先君實允蹈之宜有貴位享遐福而年纔四十有三齋志以歿不亦悲夫雖然幸

賴 聖天子推錫之典穹階顯號褒寵光大賁於無窮語曰為善無不報而遲速有時信哉昔在乙未之歲不肖孤以南京吏部考績過家獲躬掃先塋稍加闢治詎今又十年始克以一品追命之榮刻之珉石而具列先君行義之槩以表諸阡以志夫小子嵩之遭時竊位幸有今日者皆仰承先君之遺云耳嘉靖二十六年歲在丁未四月既望男特進光祿大夫柱國少師兼太子太師吏部尚書 謹身殿大學士嵩 謹書

慈德阡表



惟我顯妣夫人之歿且葬距今三十有九年矣不肖  
出從仕塋域曠焉久弗治嘉靖丙午男太常少卿世  
蕃蒙 恩賜假歸廼命以特牲告墓涓日鳩工畚土  
芟翳闢其式廓壤樹封植增厚而勒石題曰慈德之  
阡旣不肖孤泣血自爲識曰夫人姓晏氏世家新喻  
祖諱大章以富聞嘗出粟賑饑 璽書旌其門考諱  
仕望鄉里稱善士不肖聞諸宗老曰夫人來歸事舅  
姑盡敬養之禮饗饋必親執事必率先曰吾家婦也  
處妯娌無犯迕之氣取與必以讓待親黨敦睦嫻仁  
恤之行惠愛必周恭惟 先君孝友毅直動式古訓

勇爲義而怯於利雖出至性抑夫人有相之道及佐  
先君教不肖歷艱匱之苦不幸先君見背撫其遺孤  
含茹辛楚抱築疚之戚當此之時親屬橫侮屢至夫  
人但安受曰蒼蒼者俟其定也不肖孤免喪踰年幸  
領省薦夫人悲不自勝曰先君弗及見也及上春官  
綬戀不忍別母子相持悲泣見者爲惻旣幸舉進士  
入官翰林迎夫人就養居二年以先祖之喪歸歸又  
明年而夫人疾奄至大故荐罹酷罰呼天之痛無所  
及焉夫人慈愛異甚當疾革尚慮傷子之懷給以少  
間絕時眈眈者久之嗚呼痛孰甚歟夫人生正統丁



金山堂集 卷之三 六  
卯二月二十九日卒正德己巳六月二十五日得年  
止六十有三以明年庚午八月二十八日葬于里社  
下金鈎形與先君嘉林之阡異兆而相望先是霖雨  
彌旬當葬之日白日杲杲葬畢雨復如初夫人以不  
肖貴仰荷 聖恩推錫累贈至一品夫人然念少也  
孤雖得祿仕先君弗逮養母雖逮養弗久且初仕而  
貧卒之日無以爲斂不自意叨竊至今日受 上恩  
渥祿賜豐盈飫其家人昔范文正有忍令若曹享富  
貴之語予同其情焉爰述斯文以示子孫以志吾終  
天之哀其諸懿行見於侍讀徐南峯先生所述誌則  
不復書云嘉靖二十六年歲在丁未四月既望男具  
官嚴嵩謹書

太子少保吏部尚書恭肅周公墓表

太子少保吏部尚書周公以嘉靖丁未正月二十九  
日卒于位 皇帝既加贈太子太保議謚恭肅賜之  
祭命以其喪乘傳舟濟而歸已又遣有司治其葬地  
於是嗣子國南乃請予表其隧公之爲南司寇也蓋  
致其政且數年矣其復起而爲司空治河于濟俄兼  
右都御史而督漕于淮當是時 聖天子將大計朝  
吏之治而汰其不肖者而都察院吏部實柄其事於



是召爲左都御史掌院其明年合凡京朝官聽察其賢否去留之而公則欽承 聖天子明命詳爲廉覈留其賢者而降黜其不肖者天下翕然謂至公至明而吏治一清又明年進冢宰掌銓而大計天下之吏亦然然爲宰纔兩閱月以疾告遂至不祿天下惜焉公世吳江人諱用字行之初舉進士授行人以材掄爲南京兵科給事中丁外艱服闋改禮科遷廣東叅議浙江按察副使丁內艱服闋改山東臨清兵備尋遷福建按察使河南右布政使拜都察院右副都御史提督軍務南贛居二年召管院事未幾陞吏部右

侍郎轉左以註誤調南京刑部右侍郎明年轉南京都察院右都御史管院事陞南京刑部尚書會 廟災自陳致仕乃復起而至正位冢卿前後歷官蓋四十餘年所泄有茂功馨名其詳具狀誌余不論論其大者正德間天下所疾苦莫如逆豎妖僧然時方用事氣勢薰灼人莫之敢嬰公獨抗疏諫迎西番法王及劾中貴人擅政不法乞貶竄以謝天下處嶺以南最久蓋人人有父母之愛番禺盜作亂親履行間督兵剿之級幾千號有大蹟然盡縱其所獲配類之可疑者而不肯妄戮一人以彌千級之數又見其寮坐



未有首功當免輒以已所斬級投而掩之以故公蹟不見旌於朝而物論則歸之臨清多盜公諭使相首免罪而盜以戢又抑鎮守中貴人橫征傳給民賴其便洛中大饑公爲方伯清戎責不在已然急民之窮不悉安坐以視則爲躬循閭閻設方畧賑而活之盜萃汀贛之間爲患積歲公至不急捕告其屬各務澄其源旣緩稅蠲逋而德化四流於是盜黨自悔欲來乞生公因召令自翦其強不悛者而盜悉平民之得所與否大抵係守令歲遣臺臣出按苟不舛於揚激則守令得而民安矣公掌臺獨切切以誠臺臣故

事太宰典銓少宰嚙不與謂大體當爾公獨脫去當格志已以相質斬必當乃止故其所藻鑑無不合於輿論公素鮮嗜欲官藩臬時即獨居不以家隨是以旣老益強凡享年七十有二曾大父景芳大父瑄父昂皆不仕而大父父則以公貴贈資政大夫右都御史二妣皆贈夫人配施氏封孺人加贈夫人子四人國南右府都事兆南太學生式南乾南縣學生孫男八人孫女二人公有至性少時父母疾嘗割股進愈之而絕不以言及後居二喪哀毀逾禮終三載不御酒肉端慤自持不苟笑言自律甚廉自奉甚約誠可



金山堂集 卷之三 九  
稱篤行醇德君子矣予昔在吏侍於公爲寮案雅相  
愛以道義交也隧上之文雖微國南之請予猶將爲  
之然不腆之詞奚足爲公重哉庶以識予悼慕之情  
云耳

南京戶部尚書約菴周公墓表

太子少保南京戶部尚書約菴周公以嘉靖丙午八  
月八日卒明年丁未月日葬其葬也詔遣官諭祭營  
兆域孤保有贈易名有謚於是公之子督府都事仕  
請予書其墓道之石公諱金字子庚約菴其號也其  
先周平王子封於汝以國爲氏至晉荊州刺史訪始

家于常州國初公曾祖彥居以間左起充實京師遂  
占籍金陵公旣貴乃復居于常祖道信考廣實皆累  
贈如公之官妣贈皆夫人初公以正德戊辰進士釋  
褐即拜官瑣闥英資茂植膺受殊選更工兵戶三署  
多所建白咸切事體中機宜若征寇方畧及將士賞  
格皆見施行有都督馬昂者進女弟官中公抗疏論  
之竟得旨黜昂罷其女中貴人以迎佛監織暴橫而  
諸邊鹽引奏討殊濫又武學生請更考察制並列狀  
刺其違繆無所回疑又數請臨視常朝總攬權綱及  
汰冗食募丁壯言雖不盡用時論偉重矣遷貳僕卿





原件短缺

P11~P12



金山堂集 卷三十一  
晉參臺憲出撫延綏公乃招徠商粟以和糴勸督懇  
田以賦租因地鑿渠以通水利慎險望繕城守績用  
大著復晉左副改巡宣府大虜壓境親獎率將士畢  
力禦之捷聞有白金文綺之賜已而以病告家居者  
六載復以虜患詔即家起公巡紫荆等關公練暢戎  
機備禦詳嚴虜以不害入爲少司馬遂陟長中臺往  
督漕運 章聖皇太后梓宮南祔渡淮衆議由陸不  
決得公力主從江之利而定改留曹大司寇復改司  
徒歲乙巳乃以老得請歸明年遂卒享年七十有四  
配吳氏封夫人子男二長即仕其季偉也公志度調

復典兵樞濬括發祥如水斯瀦如彼巨幹奕葉弘敷  
匡阜之南爰有重湖高阡崔巍水抱山紆德人之藏  
過者式諸

畜德發祥之碑

少宰學士恭和歐陽公以歲辛丑葬其考巖溪翁于  
萬安之獅嶺又十年庚戌奉其妣蕭淑人合焉則斷  
石於墓前之享堂篆其額曰畜德發祥初公舉進士  
守六安奏績得封翁如其官四言者 誥中語也公  
自六安陟南部已而徵入翰林爲史官爲國子司業  
祭酒以至今官掌詹府事又得贈翁及祖考如其官



妣皆淑人蓋至是天恩褒寵彌極隆渥矣公既以是名其碑而走書京師請余爲之文易大畜之象曰君子以多識前言往行以畜其德其卦之辭曰不家食吉利涉大川則知懷博達者積兼濟之猷秉淵懿者存時出之用志得於漸鴻則揚輝天陸道行於遇雨則沛澤寰中所謂畜則發理也其或遜志殫於墳籍篤行邁於里閭井渫弗汲而川導其澤嘉木隱谷而幹達其榮所謂不在其身在其後人亦理也巖溪翁豪宕而不羣警敏而力學佔畢以呻日能累牘濡毫所就立可千言給廩寓庠有聲鄉校生徒從業濟濟及門數奇弗售恬焉而隱且蚤失所恃篤渭陽之情孝事繼母無履霜之詠讓產迎兄則趙彥霄之恭還橐焚券則劉永一之義里人相卻喻之以理景王烈之風嗣子入仕督之以廉慕姚璿之美此非所謂能識前言往行而體諸身者耶是以少宰公夙擅庭芳蔚稱邦彥守牧著績侍從升華虎觀橫經 儲宮翼善清階躋九列之崇寵錫被三世之命而彌綸襄贊之業方起未艾巖溪翁雖榮不自躬而顯融光大自少宰公發之所謂不家食吉利涉大川允合乎蓄之道也已 皇綸所褒豈不有徵哉系之詩曰



惟天眷德厥惟有常道積施溥德厚流光或躬弗逮  
迺胤而昌翼翼巖翁質稟英茂涵泳學海翱翔文藪  
兩校著聲一第弗偶行乎鄰里孝義寔敦迪子以道  
罔惑羣喧規仕諄諄廉仁之言爰有好述克媿厥德  
勤儉惠慈閑家有則寔啓哲嗣邦家之特政邁方州  
才雄詞苑辟雍作程宮詹視篆秩副銓衡望隆台鉉  
再世三命 皇澤演迤猗歟德人天實佑之褒詞隆  
奕 皇則昇之孰云作善而過其施如彼嘉植碩茂  
其枝如彼源泉百穀以滋永耀無極視此銘詩

鈴山堂集卷第三十三終

鈴山堂集卷第三十四目錄

神道碑

明故光祿大夫柱國少保兼太子太保吏部尚

書謹身殿大學士贈太保謚文簡毛公神道

碑

明故光祿大夫柱國少保兼太子太保禮部尚

書武英殿大學士贈太保謚文靖賈公神道

碑

光祿大夫柱國少保兼太子太傅禮部尚書武

英殿大學士贈太保謚文康顧公神道碑



大學士石門先生翟公神道碑

榮祿大夫太子太保禮部尚書兼東閣大學士

贈少保謚文簡張公神道碑

光祿大夫柱國少傅兼太子太傅吏部尚書文

淵閣大學士贈少師謚文簡許公神道碑

鈴山堂集卷第三十四

神道碑

明故光祿大夫柱國少保兼太子太保吏部尚

書謹身殿大學士贈太保謚文簡毛公神道

碑

東海之上岱岳之墟融結郁勃含靈毓粹乃生元臣

以佐大君惟東萊毛公蜚聲臺閣定策中興祿位巖

崇名壽鴻顯其在 孝廟擢穎詞垣簡侍東觀羽翼

啓道守蔚然公望其在 武廟歷踐省署存履台衡正

色直言匡扶鼎社 今上皇帝神聖明睿褒隆勲德



宸章備其揄獎大賚焯於始終二十四年乙巳六月  
六日以疾薨于里第之正寢享年八十有三訃聞  
天子震悼恩卹隆備廼有仲子太僕卿渠纍然在疚  
遣使託嵩銘諸墓道公姓毛氏諱紀字維之世爲東  
萊掖人曾祖伯全祖福英隱弗仕父敏舉鄉薦教授  
杭郡學俱贈光祿大夫柱國少保兼太子太保戶部  
尚書武英殿大學士妣俱贈一品夫人公幼則侍父  
于杭篤志力學弱冠舉丙午山東鄉試第一丁未第  
進士入翰林讀中秘書授檢討同考丙辰會試陞修  
撰充經筵講官選侍東宮講讀賜五品服修大明會

典書成陞侍讀賜給驛歸省再同考乙丑會試 武  
廟即位進左春坊諭德兼侍講賜金帶丁父艱服闋  
值逆瑾竊政削其春坊銜 孝廟實錄成陞侍講學  
士充日講官尋陞學士擢戶部右侍郎禮部左侍郎  
丁毋艱服闋改吏部左侍郎陞禮部尚書掌詹事府  
事賜玉帶時遣使西域齎番供公奏言西番佛國遠  
在數萬里外 祖宗朝雖許入貢賜法王國師名號  
特藉以羈縻番衆今不爲邊患而已齎供媚之失天  
朝體又以儲嗣未建疏乞早定大計以學士司誥勅  
仍掌府事賜麒麟服蟒衣絛環繫帶等物於是勅兼



東閣大學士入閣供事隨加太子太保文淵閣大學士賜蟒衣斗牛服錢寧等數導上巡幸會逆濠之亂倡親征議上御文華殿宣內閣九卿科道官於左順門傳旨促令撰親征詔公等力言不可免冠伏地泣諸司皆泣上諭各官退復降手勅欲出師自稱威武之號公奏言人君為天下主不宜自貶下同臣庶上意稍悟三載考滿加少保武英殿大學士車駕幸宣大駐蹕居庸公力疏請還未幾卒以征濠議南幸公等奉勅居守憂勤備至懇請回鑾章數十上武皇晏駕公等密疏請于昭聖皇太后決策

奉迎今聖天子入承大統于時逆彬統京營邊軍及錦衣官校威焰特盛禍機叵測復密請懿旨先擒彬黨令邊軍官校各散歸中外始安皇上入登大寶開經筵勅同知經筵事纂修武宗實錄命充總裁累賜蟒衣玉帶銀幣上念定策功勅封公等伯爵疏辭改廕錦衣一職世襲又改廕文職五品上引前代漢文加封平勃等功及我成祖封尚書茹瑞故事俾勉承恩命天語懇至皆力辭免六載考滿改吏部尚書謹身殿大學士上召公等至平臺議廟號稱謂衆久不決公以疾面陳乞退上知其志



決疏入乃允致仕命有司給月米夫役陞辭賜白金綵幣寶鈔公既歸臺諫累疏奏請起用山東撫按官奏公年登八十詔賜羊酒存問仍加給夫米等數甲辰太僕君以公年高乞假歸省上特許之居無何而公計至矣距生天順癸未七月十有七日享年八十有三配官氏累封一品夫人前卒子男六長蔡順天府推官次槩戶部員外郎次槩和州知州次渠太僕寺卿次業次集左府經歷女二長適按察檢校劉朝次思南知府李光祚孫男十一人延照延魁延厚延慧延清延年延玖延祀延太延康延慶曾孫男三

人公器宇凝重燕居無褻容素不言人過不妄交際士夫至萊者必造其廬第以刺答之而已平居手不釋卷老而愈篤作文渾厚典實一根於理所著有鰲峯類稿密勿稿辭榮錄聯句私抄歸田雜識藏於家嗚呼公位極人臣年躋上壽諸子接武仕籍豈天獨厚之耶抑公盛德承休而百順自鍾焉耳夫仰述前修用章國紀以鑒示將來史臣職也後學者之責也嵩乃爲銘曰

世履承平優游廟堂謹守畫一中智可當比時艱屯鮮不什僵猗嗟毛公社稷之望養德初筮循性中行



講幄進規直言琅琅逆豎恣睢不柔不剛隨事周旋  
與道弛張佛供有表儲建有章蹇蹇諤諤爲龍爲光  
台輔旣陟群孽方猖駕言親征以逞民殃公諫不止  
爰持其綱居守兢兢六典有常庶幾弗墜以勗以助  
辛巳之變群心惶惶密勿決策奉堯于唐大明御天  
群陰伏藏功成不居鴻飛冥翔大耋踰壽綠野徜徉  
厭世長歸白雲之鄉東海之濱松檟蒼蒼有鬱佳城  
公魄永康

明故光祿大夫柱國少保兼太子太保禮部尚  
書武英殿大學士贈太保謚文靖賈公神道

碑

今上皇帝入嗣大統疇咨元僚興致化理維時少保  
大學士賈公以宿學重望簡致左右數召見諮問平  
臺讌對親灑宸翰賜詩褒諭公年六十四以老請詔  
給驛以歸歸二十年癸卯之冬公年八十河南守臣  
以聞詔遣官存問加月廩歲夫又四年丁未之秋公  
以疾終訃聞詔贈公太保賜謚文靖賜祭營葬如例  
上之所以優禮元老大臣者恩禮始終而公可不  
謂希世之遇哉公之嗣孫中書舍人璠以墓道之文  
爲請昔在弘治乙丑公同考禮闈高實蒙選錄旣官



詞林歷監部暨入內閣皆公所踐歷之地典刑在望  
風槩如存樹石勒文以表諸神道非蒿則誰宜爲謹  
按公諱詠字鳴和河南臨潁縣人也初舉弘治己酉  
河南鄉試第一丙辰登進士改翰林庶吉士授編修  
充經筵講官公儀觀秀偉長身玉立識者知爲公輔  
之器以忤逆瑾改爲兵部主事稍遷禮部祠祭員外  
郎瑾誅還公編修尋遷左春坊中允兼修撰轉侍讀  
學士掌南京翰林院拜南京國子祭酒故事諫官御  
史有關選國子博士等官充之而南監每不得選公  
疏以南北一體宜稍采擢以勵有志詔可爲南祭酒

二年轉北祭酒而父樂菴翁年九十有五公便道歸  
壽其親于潁上潁人榮之遂留潁擬草疏終養而父  
以疾卒服除會 上登極擢爲禮部左侍郎奉命詣  
承天恭上 皇考獻皇帝尊號賜白金文綺改吏部  
左侍郎尋兼學士掌詹事府事專管誥勅纂修武廟  
實錄克副總裁官居數月晉禮部尚書兼文淵閣大  
學士叅預機務實錄成加太子太保武英殿大學士  
尚書如故復修 獻皇帝實錄成加少保光祿大夫  
柱國屢被鞍馬金幣寶鏹襲衣玉帶麟蟒飛魚之賜  
公在內閣端嚴持大體然數抑貴倖如奏止中侍奪



金山堂集 卷三十四 六  
牧馬草場不得與貧民爭利勲貴請薊州莊田復奏  
罷之皆以公有古大臣風然當是時方更化興治士  
皆喜趨事功好紛革而公更醇德雅度挈綱經元納  
之太和不為聲聞其所匡維調護甚多人不及知也  
要其悃悞誠厚卓然稱鉅人長者而落落不苟合在  
位二年竟謝去雖不究厥施而脫屣榮名田野詠誦  
有洛社之風焉公性耿介初在翰林惟扃門讀書不  
從同舍宴游為文章醇雅暢達無艱深險僻之語嘗  
同考會試主應天鄉試及武舉試各一又主考會試  
凡程文一出天下誦之所取士徧列中外至今稱得

人雖老猶著作不倦耳目益聰明四方求文者踵至  
揮毫運思酬答如平時居鄉抑畏真坦若未嘗居顯  
官者歲遇三節必朝服躬詣縣庭行禮旦起入家廟  
焚香再拜薦饗必慎立義田義塚以仁其族先世遺  
產盡讓其諸兄可謂篤行君子者美公生天順甲申  
十一月六日卒以嘉靖丁未八月三十日享年八十  
有四曾祖諱景山元季行省叅政祖諱彬考諱瑛三  
世皆贈如公之官妣皆贈一品夫人元配張氏累封  
一品夫人繼室趙氏公初有子曰葵曰萱蔭補國子  
生皆殤今以從子芳為後芳子暉蔭授中書舍人女



五長適舉人王偁次周府奉祀梁汀次李森次王庭  
次谷衮孫女三長適趙中次陳二典次皆芳出曾孫  
男二鑰擘之子以公歿後廕爲中書舍人至是芳等  
以其年月日葬公勅修董村之阡蒿乃掩涕而爲公  
銘銘曰

維賈之先肇迹膠東天祐聿起世績戎功桓桓行省  
始徙潁中篤祐流慶以待於公維公挺生河洛之秀  
神明內蘊淵穎天授發解鄉闈蜚英文囿晚膺爰立  
機政是司洵美且仁麟儀鳳師如何勇退曰惟止足  
身退名完不可以祿亦旣歸止貝茨之陽綠野平泉

樂壽且康進作舟霖退爲綺皓自天祐之福履壽考  
公神不昧上返列星遡瞻元德慨想儀形後有考者  
視此刻銘

明故光祿大夫柱國少保兼太子太傅禮部尚  
書武英殿大學士贈太保謚文康顧公神道

碑

國家設科取士得人爲盛然登廷魁至宰輔者凡七  
人若文康顧公其一也聞諸故老言 孝宗敬皇帝  
乙丑試士日於宮中焚香祝天願得真才是年得顧  
公爲進士第一公儀狀瓌奇風格峻偉觀者謂爲公



輔器公諱鼎臣字九和蘇之崑山人也授翰林修撰未幾孝廟上賓以修實錄成陞侍講再轉春坊諭德歷十餘歲今上即位首被知遇簡侍經筵日講進學士上懋崇聖學日親儒臣討論經史公因進講宋儒范浚心箴敷陳剴切上注聽嘉悅諭輔臣曰鼎臣解說心箴朕思味其意甚為正心之助上廼親灑宸翰自註釋心箴又註視聽言動四箴及製敬一箴勅翰林院國子監及天下學校建亭立碑鐫刻五箴以示學者寔公之講心箴啓之也上又曰洪範一書於帝王為治之大經大法實為親切今鼎

臣分段計日從容論說必使盡其所言以為務學求治之助復慮詞訓繁多命公撰次節畧以進舊例每寒月免講上以洪範未終篇乃不輟講詔免公常參專直講讀上奉先聖先師位祀于文華殿東室而數御西室召公等十臣令敷奏經義公撰中庸首章講義以進推言人君致治期臻聖神功化之極不可安于小康上稱善上於西苑作無逸殿成命輔臣及公坐講周書無逸篇陞詹事府詹事仍兼學士賜一品金織仙鶴衣上親耕籍田特命與九推延臣莫不動色悚嘆謂上寵異儒臣如此自是晉



吏部侍郎拜禮部尚書俱掌詹府事兩被 旨教庶  
吉士于翰林故事用官二員獨受簡命自公始也公  
雖職在文翰數奉 召對預密議簡在 聖心既久  
執政有不樂公者數沮其進用戊戌八月始勅公以  
太子太保尚書兼文淵閣大學士入替機務眷遇彌  
隆被賜宸翰經籍銀幣玉帶麟蟒飛魚之服多不可  
悉紀己亥二月加少保兼太子太傅進武英殿大學  
士 車駕將幸承天勅公居守京師公條奏軍國重  
計七事 上悉從其請賜印記一其文曰經緯首選  
上曰卿講幄舊臣久懷經濟朕茲重寄宜欽承之

公翊輔

皇儲持挈綱維京師肅然然以馭下過嚴  
致有煩言再疏乞休荷溫旨慰留明年感疾久不瘥

上屢遣中官齋手札賜問以太醫往視賜藥劑牲

米諸物疾革陳遺疏勸

上親賢圖治願養聖躬詞

誠懇篤降詔褒答而公竟卒庚子

月 日也享年

六十有八計聞

上軫悼賜祭葬如制贈太保謚文

康遣行人護喪還公傑特有大志留心經世隨事獻  
納多見采用嘗請訪求曾子之後以奉其祀大同軍  
變請誅止渠魁以安人心四方郡縣多奏水災疏陳  
生民困窮之狀請遣使賑卹而公生長東南見財賦



日蠹民力日屈則三舉奏焉晚歲履政府將大有爲  
然僅二載卒于位時論惜之云曾祖諱大本祖諱良  
考諱恂三世皆累贈如公官妣皆一品夫人配朱氏  
累封一品夫人四子長履方舉鄉薦履祥履貞履吉  
孫男四人謙亨尚寶司丞次謙益餘二尚幼曾孫男  
五咸和咸平咸康餘皆幼履方等以 年 月  
日癸公于震澤潭山之原未幾履方亦卒於是謙亨  
以神道之文來請於予予舉進士附公榜末同館閣  
幾三十年同時儕輩凋謝殆盡嗚呼予豈忍遂銘公  
之墓耶蓋予嘗感於君臣之際矣明王非得賢無以

弘其德喆士非遇君無以顯其功洪惟 皇上天縱  
聖資緝熙帝學而公以名儒職勸講啓沃之功懋焉  
淵衷孚契始終褒榮君臣相遇於是爲盛則予豈  
得不銘公之墓耶銘曰

截彼潭山震澤之澗孰崇其封顧公之墓公起倫魁  
躋位丞輔嘉靖初載 聖學日新便殿時御列侍儒  
紳公執經史婉切敷陳 帝聞而嘉賜札褒美曰茲  
正心庶助予理蹇蹇顧公可屬大事遂典機衡以相  
天子摠誠納誨陳力宣猷如室作棟如川作舟  
孝皇之遺視古豐芭逮事 今聖允諧魚水虎闈講



藝宣室論思公所遭逢千載一時士生于時莫難遇  
主矧惟神聖豈侔可致叙列初終以告來世

大學士石門先生程公神道碑

故少傅兼太子太傅禮部尚書謹身殿大學士程公  
以嘉靖丙午 月 日卒于家明年 月 日公子  
進士汝儉汝孝錦衣千戶汝敬等奉柩葬于都城崇  
文門外樓子莊祖塋之次而屬高書諸神道之石公  
諱鑾仲鳴其字學者稱為石門先生其先山東諸城  
人也曾祖諱吉勝起人材而隸勲衛祖諱順因扈蹕  
而積勤勤考諱瑄義重神都名高閭左三世隱德以

公貴皆推贈如公之官妣皆一品夫人公資體凝重  
巋若山立問學成於迅昂素履安於隱約屬弘治乙  
丑策士特占上第拔處木天陪遊虎觀正德間逆豎  
竊柄一時文館雋流多被斥逐公由編修改司寇屬  
已而光復舊物荐升華貫校文彰得士之休修史得  
纂言之體公素明經術選侍講幄莊粹著於儀容清  
暢發於音吐聖心簡在重瞳屢回遂由侍讀拜翰  
林學士尋陟少宗伯宸眷荐隆金甌卜相霖雨需賢  
擢吏侍兼翰學入內閣預機政于時館寮咸有爰立  
之望而公獨膺特達之知既進太宗伯兼文淵閣大



學士位列公槐文叅視草平臺召對後死命遊賡喜  
起之歌沐蕃庶之錫至銀文圖書之賜有清謹學士  
之稱屬以內難解官持服雖三年不過君命而九重  
每注皇情比及大駕南巡即家拜命授鉞行邊西  
涉河湟北踰代朔碣石崑崙輶車遍歷燕然瀚海祭  
戟遙臨方同尚父之鷹揚旋屬召公之篤棊還闕拜  
恩勅公仍以太子少保禮部尚書兼武英殿大學士  
入閣辦事天顏密勿造膝日勤聖眷優隆論思時切  
是歲壬寅上念公勤勞加光祿大夫柱國少傅兼  
太子太傅公自正德丁卯授秩詞垣惟守制數年暫

居家食餘皆班聯仙遊職典台司仕四十年官從一  
品寶翰奎文屢承天藻金幣蟒玉疊賚秘箴寵遇之  
盛茂以加矣甲辰解政歸第方怡水月於平泉丙午  
寢疾夢楹竟躡星辰於箕尾距生丁酉享壽七旬同  
志倍傷朝紳咸悼嵩也蚤依瓊樹同沾賜第之榮晚  
附青雲叨陪樞席之末顧薤露其先晞奄木稼而遽  
作典刑徒遠風範攸存爰勒貞珉爲紀豐德樹之墓  
道俾詔來禩云銘曰

翟起有家青海之隅爰從豪右內徙神都星精示兆  
嶽降應符惟公挺生聿起文儒學海滄瀆文鋒迅驅



蚤陪庶列荐陟榮途鵬運滄澗鳳鳴高梧帝簡良  
弼召贊許謨爰躋鼎鉉遂執衡樞精白彌勵勤誠弗  
渝奄忽何之哲人云徂長川東逝落景西晡仡仡高  
墳都城之郭勒詞考德永示弗誣

明故榮祿大夫太子太保禮部尚書兼東閣大  
學士贈少保謚文簡張公神道碑

嘉靖乙巳八月十九日太子太保禮部尚書東閣大  
學士南郡張公卒于位訃聞上深軫悼命禮卿諭  
祭工曹營葵遣行人護喪歸其鄉贈少保賜謚文簡  
嗚呼公可謂始終榮遇者矣公疾革遺言吏部侍郎

龍湖張公爲狀少傅許公爲銘而屬高書諸神道之  
石嵩於公有省閣寮案之誼有鏃礪括羽之益其奚  
可辭諸按狀公諱璧字崇象世家南郡石首曾大父  
必順大父子言舉天順庚辰進士歷官廣西按察僉  
事父維舉鄉薦歷官山西叅政俱累贈如公官曾大  
母王氏大母呂氏母王氏俱累贈夫夫人公蚤擢省闈  
屢試南宮不利則益肆力問學晝夜探索僑寓京邸  
起居服食人所不堪時學士劉五清汪石潭有聲詞  
垣公皆師友切磨二公每語人曰是當鳴世才也辛  
未舉進士選翰林庶吉士授編修文望益起甲戌乾



清宮災公上修德勤政講學三事壬午今上龍飛  
首開經筵公與進講器貌端肅儀矩偉然敷陳古訓  
明鬯剴切時司寇林見素以事待罪公講君使臣以  
禮有耆德舊臣當加敬禮之語上爲之改容乙酉  
被命以宮諭出典南畿文衡一時髦俊多在甄錄戊  
子丁大叅公憂卹典加厚命給驛還初公之入翰林  
也大叅翁時宦山西因入賀萬壽即謝政歸田公每  
圖歸省翁遣書止之曰勉事職勿以吾爲念故公雍  
容館閣颺歷清華纂御文司綸誥主考禮闈勞績懋  
焉庚子南京大宗伯員缺詔下廷推至再凡得四人

以請上特授公公廉謹自持於凡宿弊剪除而振  
飭之癸卯召還北部適議建太廟群論紛紜公酌  
議以對制遂定欽天太醫監院率多冗員順天鄉舉  
舊多冒籍公奏覈去五十餘人宿弊一清會內閣缺  
員公與河南許公一時並用人望翕然頃之公病瘡  
不能視事上遣御醫診視中使齎賜粥米牲豚諸  
物存問疾竟弗已卒于宣武里第享齡七十有一惟  
公荆衡標望秉迪舊耆德性醇厚器宇凝重恂恂與  
物無競天下稱爲長者而期其大用以弼成休養悖  
大之治而溘然以逝士論惜焉自講筵迄於拜相其



金山堂集 卷三十一  
間白金文綺銀瓢錦袋及經籍之賜多弗可悉紀累  
荷遣祭分獻代拜陪祀之命而賜見 皇太子於臨  
保室尤爲異典云元配黎氏繼配黎氏俱先卒贈夫  
人今配趙氏公卒後具疏 上請亦得給封夫人公  
初有子天麟廕補國子生年二十八卒公哀痛殊切  
乃以弟瑤之子天鷄爲嗣又以族子天與之子世胤  
爲天麟嗣仍奏補廕女四長適太學生素本初次適  
濮州知州李炯次適叅將馬金子呈圖次適知縣劉  
橋子承嗣公柩旣歸將以 年 月 日與黎夫  
人合窆于邑南之馬鞍山予旣論次其世及晁公德

美之槩且大者而復系之以銘其詞曰

巖巖衡嶽旣巍其巔雄鎮南紀峻極于天大江來荆  
瀋秀炳靈流匯環峙人傑蔚興文定台鼎文僖宗伯  
功業比隆後先有赫倬哉張公學本家傳沈酣經籍  
文望蔚宣粵在太史衍衍雍雍秉筆不阿獻納惟忠  
聖明御極首重講幄公叅其間格心啓沃甄才南  
畿程別罔遺驪彩兼收天馬呈竒旋掌邦禮公位荐  
起聿新政教振飭綱紀兩都荐歷績用有成綸章特  
下再擢台衡公居台衡靖共爾職赤舄從容小心翼翼  
翼 帝眷孔殷忽頽梁木 天子震悼卹典攸篤於



維張公揭德振芳遠紹前躅躋于廟堂重厚淵弘不見其涖彼謗謫者疇能與似文岡七里維公之原豐碑勒銘過者式焉

光祿大夫柱國少傅兼太子太傅吏部尚書文

淵閣大學士贈少師謚文簡許公神道碑

嘉靖戊申七月二十五日前少傅大學士許公卒于家先是乙巳冬公遘疾乞骸骨甚切上慰留亦甚切乃連疏懇辭上不悅曰少傅輕去朕耶其奪秩令歸公行而病增劇既還里復延三載竟用舊患弗起又四載嗣子俱起復來京師乃始上疏告訃叙公

病歸顛末上嗟悼曰少傅果非負朕者乃悉復公

官仍贈少師賜祭葬謚文簡恩禮備厚蓋至是而公

不獲已之情皇上眷不忍釋之意益章章焉乃俱

則請予書諸墓道之石予與公同在秘閣交誼最深

胡可以辭公諱讚字廷美河南靈寶人也先世曰威

者仕元為兵馬元帥西征過靈寶愛其土風家焉八

傳至教諭聚生太子少保吏部尚書謚襄毅曰進襄

毅娶於張繼娶於高生公性警悟博學弘治乙卯以

戴禮魁於鄉明年登進士授大名府推官召為監察

御史襄毅位冢宰公例當避臺秩廼改翰林編修時



逆瑾擅政怒襄毅不已附誣以他事矯 詔罷之而  
並出公為臨淄知縣丁襄毅憂服闋陞浙江按察僉  
事陞副使理海道改山西督學政至則先德行而後  
文藝士習丕變歷陞四川叅政按察使浙江左右布  
政使召為光祿卿轉刑部侍郎拜尚書是歲議郊禮  
分合公上疏曰分祀者致嚴辨之道也合祀者通功  
用之妙也昭格天地不在禮文而在淵德請慎茲大  
典先是揚州商素英者 武廟南狩錦衣指揮施恭  
怙權璫勢矯 詔藉其家至是英妻訴聞屬公訊理  
權者日偵伺鼓豐為挾持計公不為動竟寘恭重典

當是時復有薛侃迎

親藩之議詹啓訐銓部之詞

張紳之薦劾朝紳劉永昌之誣詆省閣皆事關國紀

連及大寮甚衆諸司恐懼失措公從容裁決持法甚

平務存大體

上悉從之而縉紳賴以安改戶部尚

書河南軍餉舊免於大名府小灘有奏改他鎮者公

曰利不百不變法乃今增役創署勞費且十倍勿改

便又有議令有司積穀備荒以多寡為殿最者公曰

預備既有倉今舍此而別積穀徒增苛歛勿從便兵

部議興甘肅屯田發銀三十萬兩公曰兵弱虜強士

不得耕徒損國儲非計凡所規措務循舊則數報罷



新議曰母徒徇名貽害也以鹽法久滯疏陳諸弊列  
通商事宜皆經久可行聞高太夫人病疏乞終養不  
允令給驛歸省高卒哀毀踰禮時吏部缺尚書廷推  
數人 上皆不許詔特起公俟服闋蒞事既至乃首  
疏決壅滯公薦舉復久任停無故改調之途抑奔競  
濫陞之習 上皆嘉納六載考績加太子太保己亥  
冊天禮成加少保扈從 聖駕南巡疏節程途以保  
聖躬 上褒答勞錫之辛丑 廟災引咎乞罷詞  
甚切 詔許致仕給驛歸 上雖從公請而意不釋  
吏部復缺尚書廷推數人又不許仍起公泣事至則

條奏諸弊政及上安邊方略數千言以一品六載考  
績加太子太傅尋命兼文淵閣大學士入閣辦事乙  
巳 太廟成加少傅無何疾作乞休遂有賜歸之命  
歸出賜金遍惠鄉族曰吾不忍自私也又助修孔廟  
山川壇歲旦暨 聖節必扶掖北嚮稽首祝賀不少  
廢疾革則謂諸子弟曰吾父子兄弟俱列上卿吾以  
涼德受 主上寵甚渥知甚深故數履危機卒賴保  
全今已矣爾輩有官守者當思圖報遂卒距生成化  
癸巳七月四日得年七十有六公歷官五十餘年晚  
荷隆遇凡大典禮多遣命將事其錫予飛魚之服銀



金川堂集 卷三十四  
一  
瓢彩帶及白金綺幣不可勝紀公兄弟八人兄誥南  
戶部尚書弟論兵部侍郎餘並登仕籍配李氏累贈  
一品夫人先卒夫人生子二長備早卒次即僕承廕  
歷官知府未任改禮部員外郎以四品服辦中書舍  
人事女三婿都指揮張蓋臣監生張良士舉人王陽  
孫男二茂祿茂禎公德性溫粹意氣凝定坦夷康樂  
而涇渭不淆直率徑盡而應變無窮蒞官翼翼小心  
以不欺不怠為主在吏部前後凡十年每銓注必論  
才高下與地繁簡兼風土南北而劑量之覈諸司公  
而恕或疵以細故飛語悉置不行以是人德之好著

述老而不倦所著有松臯集續集讀史詩論五經臆  
說三曹奏議若干卷嗚呼公之德澤在四方勲績在  
省閣孝友在家庭懿行不可殫述乃予特撮其大者  
云爾銘曰

嵩華之間河洛濱桃林葱鬱佳氣屯元戎卜宇貽厥  
孫有來八葉開祥源名世者出勲業掀纓紱軒馬輝  
盈門公尤行業軼弟昆粹姿雅韻同璵璠銓衡繼秉  
譽望尊遂參鈞軸入台垣聽言諳若春風溫謹議勃  
發洪河奔豐功偉績銘彝敦上書謝病卧丘樊抱忠  
耿耿歸幽窀上聞悼卹恩禮繁心事敬敬如朝暾



浩然正氣還乾坤直騎箕尾謁帝閭扶翊邦國保  
元元神之下上公猶存

鈴山堂集卷第三十四終  
神道碑  
明故吏部尚書致仕贈太子太保謚文莊羅公  
神道碑  
明故資政大夫戶部尚書兼翰林院學士贈太  
子太保謚文敏李公神道碑  
明故資善大夫太子賓客南京兵部尚書贈太  
子太保謚文定張公神道碑  
明故通議大夫詹事府詹事兼翰林院學士贈  
禮部右侍郎謚文裕陸公神道碑

鈴山堂集卷第三十五目錄

神道碑

明故吏部尚書致仕贈太子太保謚文莊羅公

神道碑

明故資政大夫戶部尚書兼翰林院學士贈太

子太保謚文敏李公神道碑

明故資善大夫太子賓客南京兵部尚書贈太

子太保謚文定張公神道碑

明故通議大夫詹事府詹事兼翰林院學士贈

禮部右侍郎謚文裕陸公神道碑



光祿大夫太子太保吏部尚書贈少保謚文襄

唐公神道碑

鈴山堂集卷第三十五

神道碑

明故吏部尚書致仕贈太子太保謚文莊羅公

神道碑

有明宿德碩儒曰太宰整菴先生羅公以嘉靖丁未

四月二十四日卒年八十有三初公致仕 天子特

給月廩歲隸以示優禮既登八袞 詔遣守臣奉牢

醴及門存問仍加賜廩隸至是計聞 詔賜諭祭命

有司營葬贈太子太保謚曰文莊蓋褒賢崇德之殊

數也君子謂惟公實克稱之公風格峻整雅操貞肅



進則崇節振邁而毗於國退則遵養純固而範於鄉  
談道著論則言爲代之師反躬實踐則行爲物之軌  
好學不倦不知其衰耄之將至者耳公諱欽順字允  
升吉之泰和人少即端重殊異年十四題其門有勉  
勉於仁義之語舉弘治壬子江西鄉薦第一明年入  
奉廷對賜進士及第授翰林編修每朝退即閉戶讀  
書不事交謁已疑然有公輔之望擢南京國子司業  
正容端則六館以肅蘭溪章公懋爲祭酒深見信重  
事多咨公而行以父栗齋翁年高得請奉歸留侍父  
之不忍去因疏乞終養而逆瑾怒奪職爲民瑾誅復

職由南京太常少卿陞南京吏部右侍郎改吏部右  
侍郎 今上即位轉左侍郎前後連攝部篆甄別人  
才咸極精當時論稱重充實錄副總裁是時栗翁年  
益高公歸養之志益切拜南京吏部尚書抵任即馳  
疏乞休便養詔允之旣而召改禮部尚書未行丁栗  
翁憂服闋仍以禮部起公未至復改吏部而公具疏  
懇辭於是得旨致仕蓋公審時直已不苟慕榮利如  
此自是江右部使兩都臺諫章數十上無識不識罔  
不冀幸其復出乃公則屏居却掃惟研精聖業窮探  
理性患近時學者持論高虛不屑古訓簡約是趨其



流之弊將墮入虛誕作困知記若干卷其言議精微  
衍奧根極理要辯禪悟之學近理似是而斥其毫釐  
千里之繆時習波頹我孺無易於戲道之不明智巧  
橫出古之聖括罔不戒慎省察率諸終身而不足今  
之論者以謂圓明朗徹取諸一言而有餘其學術異  
同世之君子必有能辯之者考公平生自史館以歷  
國學則士行雍規由以丕變由奉常而陟少宰則官  
常國是倚之取平中更什抑秉志弗渝榮進屢辭去  
就惟潔然公雖蚤退而考論政務之得失究心生民  
之休戚固未嘗一日不以天下為念也每平日正衣

冠升學古樓群從入叙揖畢端坐觀書雖獨處無惰  
容食恒二簋服無侈麗居無臺榭讌集無聲樂宗戚  
率之而興於孝敬鄉閭則之而化於禮讓子姓僮孺  
罔不守其約而歸於謙靖謹飭初公昆季三人並起  
高科季弟中丞先卒仲氏憲使公亦未老乞休德義  
相淑怡怡如也方屬疾乃自作誌繼以二絕皆正家  
之語疾亟舉手正巾而卒曾祖諱寧祖諱鐸縣訓  
導父栗翁諱用俊由鄉舉歷任國子助教祖及父俱  
以公貴贈通議大夫南京吏部右侍郎妣皆淑人元  
配曾氏繼配李氏贈封皆淑人子二人長琰引禮舍



進則崇節振邁而毗於國退則遵養純固而範於鄉  
談道著論則言爲代之師反躬實踐則行爲物之軌  
好學不倦不知其衰耄之將至者耳公諱欽順字允  
升吉之泰和人少即端重殊異年十四題其門有勉  
勉於仁義之語舉弘治壬子江西鄉薦第一明年入  
奉廷對賜進士及第授翰林編修每朝退即閉戶讀  
書不事交謁已疑然有公輔之望擢南京國子司業  
正容端則六館以肅蘭溪章公懋爲祭酒深見信重  
事多咨公而行以父栗齋翁年高得請奉歸留侍父  
之不忍去因疏乞終養而逆瑾怒奪職爲民瑾誅復

職由南京太常少卿陞南京吏部右侍郎改吏部右  
侍郎今上即位轉左侍郎前後連攝部篆甄別人  
才咸極精當時論稱重充實錄副總裁是時栗翁年  
益高公歸養之志益切拜南京吏部尚書抵任即馳  
疏乞休便養詔允之旣而召改禮部尚書未行丁栗  
翁憂服闋仍以禮部起公未至復改吏部而公具疏  
懇辭於是得旨致仕蓋公審時直已不苟慕榮利如  
此自是江右部使兩都臺諫章數十上無識不識罔  
不冀幸其復出乃公則屏居却掃惟研精聖業窮探  
理性患近時學者持論高虛不屑古訓簡約是趨其



流之弊將墮入虛誕作困知記若干卷其言議精微  
衍奧根極理要辯禪悟之學近理似是而斥其毫釐  
千里之繆時習波頽我孺無易於戲道之不明智巧  
橫出古之聖括罔不戒慎省察率諸終身而不足今  
之論者以謂圓明朗徹取諸一言而有餘其學術異  
同世之君子必有能辯之者考公平生自史館以歷  
國學則士行雍規由以丕變由奉常而陟少宰則官  
常國是倚之取平中更仆抑秉志弗渝榮進屢辭去  
就惟潔然公雖蚤退而考論政務之得失究心生民  
之休戚固未嘗一日不以天下為念也每平日正衣

冠升學古樓群從入叙揖畢端坐觀書雖獨處無惰  
容食恒二簋服無侈麗居無臺榭讌集無聲樂宗戚  
率之而興於孝敬鄉閭則之而化於禮讓子姓僮孺  
罔不守其約而歸於謙靖謹飭初公昆季三人並起  
高科季弟中丞先卒仲氏憲使公亦未老乞休德義  
相淑怡怡如也方屬疾乃自作誌繼以二絕皆正家  
之語疾亟舉手正巾而卒曾祖諱寧祖諱鐸縣訓  
導父栗翁諱用俊由鄉舉歷任國子助教祖及父俱  
以公貴贈通議大夫南京吏部右侍郎妣皆淑人元  
配曾氏繼配李氏贈封皆淑人子二人長琰引禮舍



人次瑛馬湖知府孫男七人僱份企佻位似曾孫男一人將以某年月日葬公於邑桃岡之原子珣銜哀屬辭刻諸隧首之碑蒿昔繫籍諸生嗣在詞垣曲承獎挹顧茲無似有忝誨言爰述蕪詞以列休美而著其所以爲學者特詳焉亦以見公之志也銘曰維聖有學一理萬殊明誠兩進斯壹其趨世則多岐所尚滋異欣妄嗜新其說孔熾不有碩哲孰閑斯潰翼翼大宰夙志斯道深造敏求繇壯至老不踐宰政卒隱其身名振當世行高古人困知有記昭我塗軌折衷群言析入毫縷大耋年踰踐脩不已公雖退佚

物望愈崇公旣逝矣 皇眷愈隆昔也存問光動宸綸今也卹哀澤濡泉扃進則伊臯退則關洛衛道立言以惠來學典刑日遠梁木斯摧勒此信辭萬禩無隳

明故資政大夫戶部尚書兼翰林院學士贈太

子太保謚文敏李公神道碑

嘉靖甲辰七月一日戶部尚書兼翰林院學士蒲汀先生李公卒于都城之里第享年六十四其年 月

日葬于城東樓子庄之原其葬也詔工曹營兆禮卿諭祭官保有加贈之官文敏有易名之謚可謂榮



哀備至也已維李氏之先山東濮州人高祖諱義洪武中以人材徵辭不願仕充錦衣衛校尉義生俊俊生賢相繼補衛役占籍京師行高名卑至公之考杏岡先生諱瓚舉弘治丙辰進士仕至資政大夫戶部尚書遂以大其門厥考若祖贈皆如其官公諱廷相字夢弼其始襲世德之懿浚之淵洪以博其慶承家學之芳殖之茂實以暢其華踰冠遂舉弘治辛酉鄉薦明年入對大廷賜進士及第第三人入翰林爲編脩當是時以妙齡魁上第地望高華詞采駿發若虎鳳躍而鸞驚耀儕輩讓其先登章縫歆其世美然公

負直不阿致忤權宦有兵曹郎中之改逆豎旣殲舊物旋復於是翱翔禁庭揚厲詞苑經帷勸講則善道日陳史局編摩則閑詞獨擅文闡校閱則品藻稱當由春坊中允進侍講學士休聲載起顯位伊始於是

有南銓少宰之擢丁尚書公憂繼丁母憂服闋簡貳夏卿旋改春部遂正拜司徒督儲于太倉視農于西苑公本侍從儒臣未經民務然所試輒效若老於吏事者於是仍兼學士加太子賓客有入視部篆之拜公經營國計料理邊儲殫竭心力舊病間作抗章乞休於是有碧山之棲其所隱處鑿山架亭花木森秀



峯壑遶軒泉石在戶公酷嗜法書名畫日娛其中以肆繙閱杜門却掃遵晦辭榮然臺諫有連疏之薦絲綸有光起之命時方引領商鼎調梅巨川作楫詎意其萎入夢不愁與誅縉紳之士咸悼歎焉公自史館至學士凡分校禮闈者三主應天試者一主禮闈試者一中以病在告者六載連居二艱暨乞休家居復五載故論者不能不以未究其用爲憾然以公之材襍被夏曹則暢理甲兵之務縮符民部則優通錢穀之方遇事乃解才猷練達不獨以淵學英藝見稱而已至其衡量所收知名實望之士列朝著布藩維者相望則其功之所及於邦國烝民益不可泯也公亦奚憾哉公前配偶氏繼夏氏劉氏贈封皆夫人有子曰重恩先卒次孝元廕補國子生聘衍聖孔公聞韶女俱劉出女三長適都御史張檜子文進次未字次許聘尚書鄭近菴子珠惟昔乙丑歲公分校禮闈予時在諸生後翰林有遊從之雅禮曹有寮案之誼孝元以神道之文爲屬嗚呼可無辭乎銘曰

尚書六卿率屬分治司徒地官以掌邦計衆選於才軼登大吏能陟惟艱矧乃相繼悠悠李祖積行純異以材見徵寧後弗試暨于聞孫寔大而肆再世崇階



先後是似詩詠緇衣周鄭之生猗嗟李公厥美攸嗣  
公起文儒振藻奮藝乃飭兵戎乃理民事遊刃恢恢  
綽有餘地晚釋鞶馬從心所嗜逸步斯淹長川永逝  
帝命有隆褒卹旅至城東之塋壤樹以制豐碑我  
我螭首雙峙述行紀詞用詔來禩

明故通議大夫詹事府詹事兼翰林院學士贈  
禮部右侍郎謚文裕陸公神道碑

儼山先生陸公既卒且葬其子楫屬予書諸隧首之  
碑於是楫裒公遺文刻之曰賦詩歌行樂府曰表疏  
頌贊議辯銘解記序雜文碑誌表狀凡一百卷又所

著述曰詩微曰書輯曰道南二書曰河汾燕閒錄曰  
史通會要曰蜀都雜抄曰平湖錄曰詩準予得徧讀  
之曰富哉文也然而辯博宏偉馳騁恣肆若泉涌而  
山出其紀載時事沉鬱雋永若咀炙嚙而有餘味其  
詩清拔俊逸若芙蓉之濯朝露而丰茸豔彩奪目可  
謂虎踞詞林鸞翥文囿者矣公始發解南畿舉進士  
入翰林文章名即軒然重天下是時 孝皇御極朝  
廷清明百官各安其職得以其餘肆力於簡冊翰墨  
之間諸司各屬徃徃名雋崛起而與館閣之士爭衡  
而並馳公於時翹然特出揚英振華每篇章一出人



爭傳誦之蓋公於書無所不讀抉隱而鈎其玄與李  
空同徐廸功諸子上下其議論至於字學妙逼鍾王  
比於趙松雪公每臨書日數百字過同舍見髹几輒  
縱筆塗寫旁若無人既本於天質之高邁又輔以學  
力之勤篤得於朋友之切劘故其問學之宏博書法  
之精絕皆有所自世之士束書不觀獨學寡聞欲望  
公之堂與其可得耶公磊落瑰奇嬉笑成文有蘇長  
公之風其品隲古今商確事理賞析文義辯識書畫  
古器談鋒灑然一座盡傾天下之士聞其名而慕往  
揖其貌聽其論而驚以伏也公自翰林編修陞國子

司業丁父憂家居數年以廷臣薦起入備講讀遂陞  
祭酒一日經筵進講內閣閱公講章輒加竄易公講  
畢面奏云今日講章非臣原撰乞自今容講臣得盡  
其愚上雖可之而經筵面奏非故事公出上疏謝  
罪上覆批答以講章內閣閱看係舊規不必更改  
果有所見當別具聞公感激條奏有關聖學事凡千  
餘言上之當路益忌之疏下吏部左遷延平府同知  
蓋公奇節高行不苟同於衆類如此陞山西副使提  
學陽曲生員父爲知縣笞死訴于御史趙反抵生罪  
公曰父死非辜人子不共戴天柰何罪之與力辯不



合即上疏勅趙亦勅公已而科道官勘實趙謫外任公得復職補浙江副使仍理學政陞江西叅政陝西右布政未履任轉四川左布政公自翰林出敷歷藩臬即刑名錢穀甲兵之事若素習然在江西決淹獄數十民德之蜀威茂諸夷作亂朝廷命將進勦公移文總兵何卿凡數千言洞悉夷情曲中事機當事者多采用其議復悉力調度兵食未幾夷患悉平召爲光祿卿內閣疏薦領修玉牒改太常卿兼侍讀學士扈駕幸承天給行在印御筆署公銜去侍讀二字改行在翰林院學士陞詹事府詹事 宗廟災詔百

官修省於是公疏乞休詞極懇切乃得旨致仕云嗚呼始公入翰林以文學名繼出補外則優政事晚歲召還旣升華選曾幾何時乞身以退所謂討論潤色之才彌綸經濟之用皆未之究豈不重可惜哉公諱深字子淵姓陸氏學者稱爲儼山先生其先華亭人曾祖曰德衡始遷居上海之洋涇祖諱璿考諱平俱贈如公官前母瞿氏母吳氏俱贈淑人公生成化丁酉八月十日其卒嘉靖甲辰七月二十五日也享年六十有八配梅氏封淑人子男一即楫蔭補國子生好學而文得公家法女一適貴州布政司副理問瞿



金山學集 卷之三十一 九  
學召公卒之明年葬于上海黃浦之原朝廷遣官營  
葬賜祭及贈官易名卹典賁臨其可無憾也已蒿憶  
在弘治壬戌春會試識公於滄衛之間傾蓋如平生  
是歲並下第歸歸則約次年必偕來已而果如約同  
寓邸同舉進士自是出必聯騎居必連榻公才氣俯  
一世顧以予之不類獨不鄙辱爲知己枯羽鏃礪蒙  
益爲多然追念疇昔同遊之士冠佩如雲文采風流  
照映一時今則零謝無幾矣荒鄙之詞何能爲役楫  
數以書請誼不忍辭則收淚叙之而系以銘以致予  
思亦以慰公于地下其辭曰

大江之東環吳淞蘊靈標異秀所鍾寔生哲人爲時  
宗崛起一代稱文雄弱齡獻賦明光宮雲夢七澤蟠  
心胸揮毫落紙輝晴虹厥聲四溢何颯颯文章有道  
用乃弘屬詞紀事氣以充美哉東序列大鏞爰振文  
鐸鳴西靡倏然蹋翼下鰲峯武夷雲谷留其蹤五臺  
三晉馳行驄岷峨萬壘觀芙蓉晚歸西掖慶遭逢  
屬車南狩載橐從玉堂視篆承恩隆遄歸三逕哦菊  
松浩然雅志猶冥鴻大星夕隕溝閔凶天下學士皆  
哀恫公神洋洋升太空或乘麒麟跨虬龍下上寥廓  
隨雲風俯視寰世塵濛濛厥名不滅垂無窮



明故資善大夫太子賓客南京兵部尚書贈太

子太保謚文定張公神道碑

嘉靖甲辰十一月七日留都大司馬甬川張公卒于位訃聞 上悼惜詔賜祭葬如例贈太子太保謚文定謹按純德不爽曰定蓋美稱焉而得此者鮮矣以丁未正月六日葬公鄞縣雲龍溪之金文山嗣子子中來請文以刻諸神道余與公同舉進士同被選入中秘公年少於余而器度溫粹造詣純篤予邈不能及也中更多故晚歲方幸同升詎意溘先以沒則予何可不銘公亦何忍遽銘公也哉公諱邦奇字常甫

系出宋魏國忠獻之後始祖原一淳熙間自臨安徙槎湖遂世居鄞曾祖諱純祖諱忱考諱時敏鄉人稱爲洞雲先生予嘗銘其墓祖父俱以公貴累贈太子賓客吏部左侍郎兼翰林院學士公弱冠舉于鄉即有重名與同邑聞靜中汪與成余子華相麗澤時稱四友後皆至顯官公始爲翰林檢討居三載以親老疏乞便養出補湖廣按察副使督學政公重行誼精鑒別風教大著旣又以親久居楚思鄞謀乞解職予使廣西與公遇於衡嶽之下留處十日其後公遂歸鄞是時公杜門却掃娛親著書有終焉之志矣迺益



務覃究性命之學所著大學中庸五經諸說學者傳之嘉靖改元用席文僖薦復起爲四川提學至則闢大益書院選髦俊以受其業楚蜀之士出公門多顯者公以親年益老復乞休銓部奏改提學福建便之尋擢左春坊庶子兼翰林侍讀未至陞南京國子祭酒公身示教不設復楚四方士滄然雲集慶得師焉陞南京吏部右侍郎丁父憂服闋召爲吏部右侍郎轉左即攝部篆抗節持衡雖室迕弗撓旣而以本官兼學士掌院事簡充經筵日講纂修玉牒戊戌主考會試所錄多名士已亥冊立皇太子特加太子賓

客掌詹事府事 上南狩承天命攝禮部篆嘗遣奉先代祀涇藩題主先師釋菜皆被特命恩遇甚隆是時公母太夫人年踰九十八公懇疏乞歸 上不允溫旨慰答曰大臣祿養壽母自古治朝則有之時以爲榮歷侍郎九載進禮部尚書仍掌詹府事然公恒思將母而南銓部奏遷公南京吏部尚書尋改南京兵部叅贊機務公至簡士伍飭法禁威讐惠浹兵民肅然居數月竟以疾逝距生成化甲辰五月得年六十有一元配王氏繼陸氏贈封皆淑人子男六子中出爲伯兄後而以公蔭授中府都事次子釋國子生次



金山堂集 卷之三十一  
子覲子恩子楨子昭女三余九章陸滄萬來章其壻也公天性純孝事親至老彌篤初仕時伯兄自家來視得疾道亡公感痛終其身事嫂如母與人交和平長厚未嘗與物忤以故人皆敬樂之爲文章根切理要豐蔚典則所著有觀光紆玉養心環碧等集若干卷行世讀其書當有識其所存者云論者曰乙丑之試得士爲多若公尤卓偉不群者也然柄用方隆而奄忽徂終俾朝失良臣士隕令範凡百君子罔不爽然悲焉銘曰

士所自力在行與文本實旣端斯顯於聞鄣有張公

純稟天至惟古是師卓有立志踐揚中外翰苑儒臺遂陟成均育俊達材惟 聖簡知荐膺寵秩慎密溫恭亶時正直詩詠孝德如珪如璋允也吉士邦家之光雲龍之原谿谷盤鬱永安其歲過者爲式

光祿大夫太子太保吏部尚書贈少保謚文襄

唐公神道碑

今制大臣於歿旣得請祭葬矣其易名以謚則稽德視功出 宸斷不輕畀也凡館閣侍從之賢廼得謚文部院諸曹間有得此者自 祖宗朝迄今不數臣焉若吏部尚書唐公其一也公少從學楓山章文懿



公之門得其淵源學優行績為文章謹嚴典重有左  
氏先秦之風精詣閎肆號稱作者敷歷中外隨試輒  
効聲望偉然而西師俘馘之功為多 上賜謚曰文  
襄君子謂公足以當之無怍云先是公任冢宰遘疾  
乞休弗許固請忤 上意詔削官以歸公昇出都門  
二十里逆旅舍中亡矣後四年其仲子汝楫舉進士  
第一授翰林修撰始具疏叩閣述公前疾及道卒之  
狀以明不欺 上復公官加贈少保遣祭營塋徽典  
駢及存歿湮鬱一旦伸雪時論快焉汝楫則詣予泣  
請文以作公碑公諱龍字虞佐浙蘭谿人也曾祖諱  
仕新祖諱賢思州推官考諱學俱以公貴贈光祿大  
夫太子太保兵部尚書妣皆一品夫人公正德戊辰  
進士釋褐知郟城縣郟單散流賊且至公集壯丁守  
無敢睨城第掠境上去公追殺數十人賊怒復還公  
督戰又斃其驍勇數人以有功旌稱能令召擢內臺  
風裁峻整按滇南數上封事諫巡遊斥嬖倖率人所  
難言言之剴切按江西逆濠之變甫平禁兵在境為  
患公禁不得逞疏請班師民獲安堵守正助逆之人  
明析功罪無遺慝無枉良又人所難處處之克當稱  
名御史督學於關中也校文貴雅正品士先器識稱



金山堂集 卷三十五 四  
知人掌憲於三晉也義感囚徒明燭誣獄稱名執法  
以太僕卿徵尋擢僉都御史總漕運既又以副都御  
史召入臺又擢吏部侍郎會關中告饑西陲多警

上知公可屬以大事也拜兵部尚書兼右都御史總  
督三邊軍務公馳赴賑卹病者興流者復一時將佐  
推誠置腹咸樂為用乃閱兵三萬出塞直指陰山軍  
容震耀虜驚遠遁自是犯寧夏則有柳門之捷犯延  
綏則有清水之捷吉囊自將十萬犯安會則有興武  
有乾溝之連捷一呼而將士群附二旬而露布三騰  
前後奏記為俘獲為首級幾數百奪夷器無算兵部

上其功有爵封武陔之請不報

召還為刑部尚書

劉源清以討亂卒過嚴劉淑相以奏訐執政皆坐重  
典公論救得末減執憲持法權勢庇援無所避九  
廟成覃恩宥大禮大獄諸臣得放歸者二十餘人公  
有力焉而公以母太夫人鄭年八十餘懇乞終養

上賜給驛歸朝野榮之然臺諫僉謂公當及時柄用  
不宜聽其自便薦章交上 上亦思公起為南京刑  
部尚書尋改南京吏部未行改兵部尚書趣令赴任  
公感激奉太夫人以行至則謂制敵在任將請待邊  
吏文法少寬故諸宿將逮繫廢黜者皆得錄用加大



子太保冢宰員缺輿論屬公公既受命一以以人事  
君為任甄才望崇恬退拔滯幽錄廢棄疏舉四十餘  
人無何天不憖遺哲人云萎識與不識咸悼惜焉所  
著有易大旨歷官奏議漁石集行于世公卒以嘉靖  
丙午七月十九日距生成化丁酉享年七十配徐繼  
劉先公卒贈封皆一品夫人子男七汝器國子生次  
即汝楫次汝舟舉人次汝梅汝渭汝淮皆邑學生女  
一適國子生朱朝尹孫男十二人女三人往予為編  
修公為侍御史獲往還以文字相益德義相友予過  
公邑必登堂拜母交好垂四十年而公今不可作矣  
能無悲乎公懿行不能悉著著其大者以示後而公  
母太夫人及見汝楫登第年九十五而終亦以汝楫  
疏請得蒙 卹典榮哀備至足以慰公於冥漠矣汝  
楫乞假歸葬公于近郭觀山祖塋之次從公志也銘  
曰

有偉唐公時鮮克儔保乂王室文武具優如堂隆棟  
如川巨舟發為文詞商鼎夏卣如彼武庫而森戈矛  
作時宗工媲美前修釐政涖事剴決靡留張弛咸宜  
不競不綈施以治軍條策畫籌決勝罇俎褫魄旃裘  
功弗及賞歸怡林丘國倚老成維舊是求入正銓衡



俊又甄收碩人云亡邦家之憂 帝念往勩無德不  
酬錫贈易名寵數疊稠豐碑琢詞言樹道周以揚其  
休以告諸幽

鈴山堂集卷第三十五終

鈴山堂集卷第三十六目錄

神道碑

大明追封奉天翊運推誠宣力武臣特進榮祿  
大夫昌化伯邵公神道碑

大明贈特進榮祿大夫太傅兼太子太傅成國  
公謚榮康朱公神道碑

特進光祿大夫柱國太傅兼太子太傅駙馬都  
尉京山侯贈左柱國謚榮恭崔公神道碑

榮祿大夫後軍都督府右都督掌錦衣衛事贈  
太子太保陳公神道碑



金  
山  
堂  
集  
卷  
三  
十  
六  
一  
明故光祿大夫柱國少保兼太子太保兵部尚  
書贈太保謚恭襄張公神道碑

鈐山堂集卷第三十六

神道碑

大明追封奉天翊運推誠宣力武臣特進榮祿  
大夫昌化伯邵公神道碑

聖天子弘化中興因心篤孝蓋嘗仰體 皇考獻皇  
帝追本之意以遵奉 聖祖母太皇太后者無所不  
至又推 太皇太后所自出凡褒卹典禮循先朝待  
外戚故事而行者亦無所不至故昌化伯邵公暨夫  
人楊氏寔維 太皇太后之考妣也先是公與夫人  
俱早逝權厝於錢塘北山之青芝塢乃嘉靖己亥公



金山堂集 卷三十一  
之孫錦衣指揮臣輔具疏以聞詔守臣擇地于西湖  
南屏山之麓而改葬焉既命工曹往董其役又賜諭  
祭一十四壇給供祀田八頃建祠墓下賜額曰發祥  
表以石坊中爲勅命碑亭繚以石垣湖山抱揖寔據  
佳勝而臣嵩承命撰文樹諸神道謹按邵公諱林字  
懋清一字宗茂其先洛陽人也曾祖某徙揚之興化  
縣祖壽再徙杭城父義母彭氏公少而岐嶷長而魁  
梧倜儻有大志好善敦義楊夫人式克相之嘗夢鳳  
鳥翔于其庭而 太皇太后生天順庚辰被選入內  
庭事 憲宗純皇帝誕育 獻皇及 岐惠王 雍

靖王進封貴妃於是贈公爲昭勇將軍錦衣衛指揮  
使楊爲淑人 今上臨御上 皇太后尊號曰壽安  
皇太后已而加尊孝惠康肅溫仁懿順協天祐聖太  
皇太后進贈公爲奉天翊運推誠宣力武臣特進榮  
祿大夫柱國昌化伯楊加贈夫人自公高祖王父而  
下咸錫贈封而官其子姓諸從湛恩鴻龐覃被一門  
於戲盛矣昔有周詩人詠歌文王之德必本於摯仲  
氏壬又曰思齊太壬文王之母以見文王之德之所  
以成實由於聖母之德行純備有以致之也我 皇  
考之德上媿文王 太皇太后之懿增光京室植本



金山堂集 卷三十一  
二  
渚源鍾靈發耀繼摯王而有作非公與夫人協德之  
慶哉臣謹拜手叙次如右而為銘曰  
維昔太妊嗣徽周姜詩詠思齊姬祚以昌維我之太  
后姜壬是則寔生 睿考備有聖德自天眷命濬發  
其祥應圖受祉肇啓我 皇惟 皇達孝推本所自  
賁錫公門施及孫子爰命有司飭其祠墳殷禮備陳  
俎豆欣欣公歿雖久厥澤惟新顯盛光大世莫與倫  
屏山蒼蒼湖水之涘伉儷同藏風氣攸萃輔臣奉詔  
勒石道周永示後人以贊頌休

大明贈特進榮祿大夫太傅兼太子太傅成

公謚榮康朱公神道碑

榮康朱公以嘉靖丙申春將事 孝陵道病召還其

年七月六日薨于正寢計聞 上震悼輟朝賜棺殮

命有司治葬諭祭如制贈太保榮康其賜謚也其子

希忠等以 月 日既葬公子懷柔縣北澤山欽賜

先塋之次及希忠嗣爵以恭恪慎勤為 上所特眷

簡入內直朝夕左右加食祿至一百石賜肩輿賜內

乘馬仍推恩錫其三世於是榮康公得進贈特進榮

祿大夫太傅兼太子太傅誥詞有曰丕懋之勲揚于

當世未盡之祉發于後人蓋異典云希忠將樹隧道



之碑以彰榮寵昭先德乃詣予請曰先人奄棄希忠等幼稚未能即事墓隧之表用是久虛深惟先德弗耀遐永是懼敢茲以爲請予昔於榮康公數得承顏色知其平生而與今太傅公在直共事重之姻好則所以書公之碑者其曷可辭謹按朱氏之先鳳陽懷遠人六世祖亮任燕山護衛副千戶子能嗣其職從成祖決策靖難功第一封成國公追封東平王謚武烈子勇嗣從英廟北狩死兵間追封東平王謚武愍子儀嗣留守南京卒謚莊簡子輔嗣繼守南京加太子太傅佩平胡將軍印卒贈太傅謚恭僖長子

麟嗣麟卒無後而公恭僖次子也乃嗣兄爵公諱鳳字鳴周早通書史勤學好問識達大體以清慎自持風雨寒暑不廢朝謁初管五千營亟議修馬政覈軍實撫疲繭蓄壯銳營務聿新又上備邊禦虜七事皆精練剴切爲當事者所格然言官自是交薦公矣是時上方勵精鑒別群臣以公爲才寵異之禮部請朝儀詔以公勲舊重臣充班首上親祀郊廟以公守承天門凡舉大祭祀皆遣公行禮冊封宸妃充正使屢荷金幣麟服鎧劍書籍及人口之賜冊封荆王復充正使所過州郡嚴約下人贈遺皆却焉甲午春



推公南京守備詔特用公掌中軍都督府事嘗因災變特疏求退蓋前此勲臣無引災自陳者上益賢之既又以疾乞解政所親勸令少須公曰府營重寄豈養疾持祿地耶上察其誠聽罷府事而公薨矣公孝友天至母張太夫人蚤逝言及輒悲感事恭儷公無故不去側侍賓客執禮不少懈父疾籲天請以身代及卒哀毀逾禮後泣中府任益悲曰是先人所嘗履者初兄麟以逆瑾誣革勲衛幾失爵或者謂公次嫡宜嗣公避嫌去之南京居焉麟家用日落多所假貸公悉代償之麟奉使承天寢疾公聞沂江兼程往視護其喪以歸仍持服三年曰吾兄之無後也撫庶弟鸞教養尤至群從貧乏者爲經紀其婚喪姊妹已嫁而貧者亦然性儉約無他嗜好獨重詞翰而先世手澤珍惜尤甚蓋公率德敦行樂善蹈仁厥用弗究壽僅五十一而終時論惜之然有今太傅公受知聖上寵綏眷遇之隆世無其比則豈非天道福善之驗哉公元配白氏尚書恭敏公珪之孫繼徐少師文靖公溥之孫又繼楊及陳而白楊皆封成國夫人陳爲睢寧伯崇靖之曾孫今加封成國太夫人子男三長即太傅希忠次希孝以平陰死事錄授錦衣勲



衛今官都指揮使管衛事次希祖孫男一人時恭銘  
曰於赫文祖造我邦入靖內難開虞唐天挺羣策  
隨龍翔東平武畧何泱泱摧堅陷敵維鷹揚昨列茅  
土爵以王盟存帶礪券冊歲平陰邁會時劬勦提兵  
沙漠殂窮荒慶流胤嗣燁以昌五葉濬發稱榮康淳  
朴內蘊含文章皇曰臣哉爾惟良大廷朝謁首班  
行屬司材官柄蹶張明禋遣代奉珪璋恪秉精白忠  
勤將急難喜施義問彰鍾祥篤棊歸義方楚楚太傅  
金玉相入侍帷幄日贊襄帝追先烈恩露瀼龍章  
褒錫泉臺香穹碑伉立山之岡勒銘載德揚耿光世

世與國同無疆

明故特進光祿大夫柱國太傅兼太子太傅駙

馬都尉京山侯贈左柱國謚榮恭崔公神道

碑

嘉靖己酉夏六月日京山侯崔公卒于位訃聞

皇上嘆悼輟視朝一日錫之贈謚賜諭祭一十六壇  
命工部給棺槨營葬事公在弘治間尚永康大長  
公主孝宗皇帝之女弟也先是戊申十月主薨賜  
葬于都城南下馬社榨子口之原至是啓壙而合葬  
焉其隧上之碑宜有文公子驥徵以請於予比年予



與公同內直又與公甥壻衍聖孔公聯姻好弗可以  
辭謹按狀公諱元字懋仁太原代州人也曾祖諱璟  
隱德弗仕祖諱震山東泰安州判官考諱儒太學生  
三世俱以公貴贈京山侯加贈太傅兼太子太傅妣  
俱夫人公少從泰安公宦邸受毛詩尚書泰安公夢  
有異徵曰是當大吾門乎果被選尚主拜駙馬都尉  
公美姿儀博覽群籍善詩戚畹諸貴皆自謂莫及公  
卿大臣折行輩與之交賢聲翕然聞于時敏慧有謀  
朝廷每有大遣命必屬之正德己卯江西逆濠圖為  
不軌武皇命公偕都御史顏頤壽齋劾往諭行至

浙聞濠已反乃旋武皇晏駕公承昭聖皇太后

懿旨齋金符詣興邸奉迎今上皇帝入嗣大統

上一見知公可屬大事凡有謀議輒咨詢之嘉靖改

元以功封奉天翊衛推誠宣力武臣特進榮祿大夫

柱國京山侯食祿一千五百石賜誥券奉命護

孝惠皇太后梓宮葬茂陵又奉命之安陸奉迎獻皇

帝神主來京命掌宗人府事上冊皇天泰號命公充

捧冊表受使禮成加太子太傅上南幸承天命公

偕勳輔五臣扈蹕騎從途遇親王朝見命行殿侍班

上渡河侍舟中賜詩命和車駕還京遂命護



獻皇后梓宮南祔 顯陵事竣慰勞有加自是召直  
內苑時承顧問公明習典制凡有敷對罔不克當  
上意又時時撰進文字悉見采用命乘馬禁中泛舟  
太液命代拜先聖先師于永明後殿命護 孝烈皇  
后梓宮葬永陵 皇太子加冠命充掌冠使 上念  
公等侍直勤勞加公太保再加太傅再加特進光祿  
大夫又歲加食米一百石他如白金綺幣玉帶麟蟒  
之服上尊珍饌異恩蕃賚不可勝紀生成化戊戌十  
二月一日暨卒享年七十有二公母弟三人允登進  
士歷官山東叅政充魁鄉薦次光皆早卒公撫其孤

底成立代之親族待以舉火者尤多云長子鳳徵  
娶尚書劉公舜卿之女長女適安昌伯錢惟圻封夫  
人皆主出俱早卒次子驥徵側室周出公卒後 上  
特恩擢為錦衣指揮僉事次女適平江伯陳公長子  
王謨嗚呼自古尚婚帝室者亦繁矣若乃偕老齊壽  
具膺福履會邁興運簡託心膂茲其尤鮮儷者哉銘  
曰

汾晉毓秀昴辰發祥姿挺鸞鵠才美珪璋為 帝之  
甥館于貳室玉帶蟬冠威儀抑抑運邁昌辰翼 龍  
以升勅符載捧江漢徂征迺爵通侯金書錫券酬勤



褒功 帝隆其眷出護鑾躅入奉禁廬夙夜在公勤誠弗渝梁木云摧華榮奄瘁纓綉含哀 當宁興喟都城之南鬱起高墳過者下車眎茲刺文

明故榮祿大夫後軍都督府右都督掌錦衣衛

事贈太子太保陳公神道碑

今上皇帝入繼大統維時扈從諸臣從龍而起蒙藉寵靈荐陟華顯流光錫祚垂裕無窮豈非千載一時之遇哉若右都督掌錦衣衛事陳公其一也公諱寅字敬夫其先山東武定州人曾祖玘洪武中以功授燕山左衛副千戶因家京師祖貴父政皆世其官弘

治庚戌 獻皇帝之國政以才選授管群牧所事卒

于官公襲父職年二十四即小心勤事朝夕弗懈人

咸以遠大期之既扈蹕來京遂陞錦衣衛指揮僉事

有詔公等子孫皆與世襲尋命公提督官校管理京

城街道又以督理諸大工宗廟及皇史宬成陞指揮

使管西司房事九廟成陞都指揮同知掌本衛事慈

寧宮成陞後軍都督府都督僉事仍掌衛事奉先殿

成陞都督同知皇穹宇成陞右都督 上恭冊皇天

太號以公等扈從行勞加服色俸級而前後所蒙白

金綺幣及羊酒等賜不可勝紀公重厚簡默器度恢



弘果斷剛方事無留滯隨所任使克舉其職以故受  
上簡知眷寵特異云歲乙巳公感末疾具疏懇乞  
解任允之仍命支月俸量給軍校應用公寢疾逾五  
年嘉靖己酉五月二十八日卒于第距生弘治乙卯  
十一月享年五十有五公少孤克自樹立事母張太  
夫人至孝撫弟吳友愛備至官躋武階之極而謙約  
畏慎安靜老成乞身蚤休優游以終可謂福履之盛  
也已曾祖祖考皆封如公之官妣皆夫人配蔚氏封  
夫人子男二長翱廕授錦衣衛指揮僉事管南司事  
次詡女一長適都督沈至次尚幼公之卒也 上聞

悼惜遣官諭祭營葬如制仍加贈太子太保其年

月 日葬于都城崇文門外西郊亭之原而翱請予  
書諸墓道之碑乃叙而銘曰

龍躍兮郢中率雲附兮景從公乘時兮奮庸首翊戴  
兮輔忠掌禁旅兮維熊恒夙夜兮匪躬沐恩渥兮優  
隆何乘化兮長終 皇軫念兮哀恫賁卹典兮營封  
侈千載兮遭逢勒銘示兮無窮

明故光祿大夫柱國少保兼太子太保兵部尚

書贈太保謚恭襄張公神道碑

嘉靖壬寅冬十月三十日大司馬東瀛張公卒于位



明年二月二十二日葬于都城南魏村社之原嗣子子中等以大宗伯費公所述八事行來泣告曰惟先公受聖恩致位本兵夙夜兢兢以不任付託是懼頃因邊患竭心籌思廢寢與食阡于疾危馴至大故庶幾所謂鞠躬盡瘁者矣惟是墓隧有碑而無辭以白先公之心不肖孤厥罪云何敢用以請予與公同舉進士同官于朝幾四十年義惡乎可辭謹按公諱瓚字廷獻姓張氏河間滄州人曾祖諱聚國初以功陞瀋陽左衛百戶尋陞府軍左衛副千戶祖諱能考諱傑代繼其職三世俱以公貴累贈光祿大夫太子太

保兵部尚書妣俱贈一品夫人公舉弘治乙丑進士選為吏科給事中歷兵科都給事中擢通政叅議左右通政太常寺卿陞通政使公體貌豐碩音吐洪暢進止有儀常奏事廷中 皇上輒注目視之以戶部侍郎兼右僉都御史督延綏寧夏軍餉改督宣大軍餉大同軍戕其帥據城以叛時議將闔城屠之人心震恐叛者繼起 上既以失事者置之法遂命公為兵部侍郎兼左副都御史總制其地公計擒其渠惡二十餘人而盡釋其脅從者民乃安堵遮道羅拜肖公像祠之由是 上益簡注知公可大屬矣及還用



金山堂集 卷三十一  
廷推提督兩廣軍務會兵部尚書員缺銓部擬四五人上意獨屬公行未數舍召還乃拜爲兵部尚書公既受任殫力圖事安南以其國亂不修職貢者二十餘年於是黎氏以其變來告詔興師討之下禮兵二部議前後凡數十疏乃得俞旨遣文武重臣往宣布德威莫氏遣使叩闕持表以降公預力焉諸邊奏報至雖事孔棘公鎮之以靜凡所題覆籌畫審固動中機宜嘗條陳十六事上皆嘉納行之丙申秋虜吉囊等屢寇邊境公選將厲械先後遇敵于賀蘭諸山于延綏芹菜河蒺藜川于寧夏斬獲首級數百丁

酉吉囊刺不台再入寇大同又斬獲二百餘賜白金彩幣陰一子爲錦衣千戶世襲公嘗涉歷邊境具知輿地阨塞又周於咨謀故能料敵制勝如此公每奏用闡帥邊吏畧其細行惟取其有智識勇畧足以事事者江洋寇聚衆千人稱亂守臣請兵討之公舉革任都指揮湯慶以往人或難之公曰使詐使貪兵家常理吾知其能集事耳慶果報平寇公所任人多類此當是時上以本兵務重專意屬公雖時有煩言而宸眷益隆委用益堅先後乞休凡十餘疏俱荷溫旨慰留車駕幸承天以公留守京師既進位官



金山堂集  
保一品復進少保授光祿大夫柱國扈從 山陵特  
賜飛魚服其他賜賚不可悉紀在部八年事體明練  
酬應曲當字量恢豁不見喜怒之色雖有犯者亦莫  
之校屢獲邊功受上賞福澤克溢光裕前後雖才智  
所能或者謂公器大蓄厚福量所鍾亦詎不然哉生  
成化丁酉 月 日卒之日享年七十元配王氏  
繼楊氏贈封皆一品夫人有子四人曰子中始襲千  
戶今累陞錦衣指揮僉事曰子和中書舍人曰子正  
錦衣副千戶曰子直冠帶總旗女適朱僉王鎮孫男  
四人曰繼文國子生曰繼德次尚幼論者曰天之生

材於世豈不多乎顧所享豐嗇薄厚每不齊公起諸  
生致位六卿階一品秉國戎政受 上眷注廷臣如  
公者不多見及其卒也 上爲恹然輟視朝一日賜  
祭九壇贈太保賜謚恭襄恩禮終始極其完備矧夫  
子孫衆多又皆孝友謙慎克保厥家由是而觀公之  
得於天者厚矣是豈人力之所可強而致哉予故論  
次揭諸石而復系之以辭用以慰公於冥漠其辭曰  
帝都之東瀛海沃蘊靈毓秀厥有自公生魁岸偉幹  
體端厚嶷重若山峙諫垣銀臺歷長貳廷中奏對稱  
上旨重瞳屢回勞注視戶曹再命給饗餽狂童叫



驩獷莫制轉危爲安出謀智殲厥渠魁從罔治西民  
德之競祠祀惟 帝簡知眷日起拔置樞曹典兵紀  
肅肅在公靡怠易運籌決策陳大計猛將材官或跡  
弛公能用之隨器使西掃長蛇北封豕日南東首獻  
其贊違言雖煩披形似 帝明弗貳保終始旣踐卿  
保蕃寵祉貴壽考終復多嗣簪組蟬聯賞延世具集  
諸福疇克爾城南之阡魏村里 皇典卹加恩備至  
宜有紀述詔來禩予忝執筆在太史

鈴山堂集卷第三十六

附

墓誌銘

明故太保兼太子太傅平江伯贈太傅謚武襄

陳公墓誌銘

太保平江陳公薨 上驚問輔臣高曰圭何遽歿耶

上神聖文武志殲胡夷而公方受倚注用見悼問

乃命有司治葬 賜祭十五壇贈太傅謚武襄其子

王謨得給驛奉櫬歸葬皆殊數也謨且行來乞銘于

予初予為祭酒公始襲封習禮成均有師生雅既顯

用事予恂謹如一日誼故厚已而締婚益親方期其



功業未艾而奄忽以逝予哭之哀蓋予以老辭四方  
乞文之請久矣謨泣曰先君昔備行間頗以微勞自  
見幸假寵靈思竭力禦虜報 聖主有志弗就居未  
嘗不歔歔慷慨今已矣非翁言無以慰地下嗟乎予  
其可辭哉公諱圭字世秉廬州合肥人也始祖恭襄  
公瑄有大功于洪武末樂間實始封平江伯高祖佐  
曾祖裕皆嗣伯爵祖鐸考麟以公嗣季父熊襲封皆  
贈伯爵祖妣妣皆贈平江伯夫人公始領宿衛掌京  
營僉書中軍府用臺諫交薦出鎮兩廣為總兵官會  
封川寇猖獗公上疏請剿督諸將分道攻擒其渠魁  
斬數千級俘獲甚衆加太子太保復平柳慶里隆等  
賊斬獲如封川加太保復戡賀連賊如柳慶廕一子  
錦衣百戶三捷皆賜金綺時交夷范子儀等寇欽廉  
諸郡黎岐寇瓊崖相犄角為應援公移文安南都統  
曉以利害使縛子儀來獻而亟出銳師攻黎軍黎勢  
孤援失不能支擒斬尤多遂靖交寇復廕一子錦衣  
百戶加祿米歲四十石粵于今為要荒封川諸處皆  
邃洞深菁崖壑蚪互諸蠻夷所窟穴或乘間出剽如  
飄風攻其東則西遁戢其左則右發號難剪除而前  
政徒擁兵為尊大有警蓄縮委艱其下士無肯為用



力者則咸謂賊難制獨公善方畧精騎射常與士分  
甘均苦聞賊所往探甲上馬彎弓注矢向賊為衆先  
士皆增奮無不一當百者在粵且十年諸所殲小賊  
不可勝數其大者如前四征皆蒙瘴霧深入所嚮必  
克鋒莫敢當 上知公才可任召還掌後軍府會虜  
數闕諸邊而逆臣鸞勾引入犯鸞既伏法 上益釐  
正京營之制飭諸武備而提督者難其人本兵疏舉  
二人皆不允 御批特以授公公入營問所利病條  
去其甚者事皆與更始將士權呼稱慶及申號令整  
約束紀律甚嚴今總督尚書許公論時協理戎政與

公期戮力滅賊公嘗傾囊養敢死士于家所費不貲  
士皆投石超距方虜犯紫荆攻浮圖峪甚急公毅然  
請出戰木兵以大將居守不宜輕動 上知公忠勇  
特許之廼營于都城外盧溝值虜退而止次年虜復  
犯古北或議當九門列營為備公以徒示弱無益竟  
不樹營而虜亦去蓋其識緩急當機宜如此築京師  
外城公實董其役城成加太子太傅又廕一子錦衣  
百戶云公生正德己巳十一月二十一日卒嘉靖甲  
寅十二月十八日年四十有六元配徐氏太師定國  
公光祚女繼配仇氏皆封伯夫人再配張氏子男五



長即王謨嗣伯爵次王烈王猷王制皆錦衣百戶次  
王言女一許聘予孫尚寶司丞紹慶公自幼敏慧喜  
親墳吏性樸茂如儒生似不能言至其操執剛挺凜  
不可奪雖謙抑禮士而耻媵媵趨媚之為不肯苟失  
足於人以故取忤當途屢有建白為所抑然公自遂  
弗悔也夫人仇者逆鸞女弟也公深嫉鸞鸞數入密  
疏言公短幾中竒禍賴上明察愈益重公蓋公以  
忠誠幹畧受上簡知非有左右先容之者公感激  
殊遇以身徇國真有馬革裹屍之志庶幾所謂國之  
蓋臣者嗟乎今安有若人哉此予之哀之匪為親暱  
之私也先是有大星墮光亘數十丈占者謂應在大  
將其然豈偶然哉謨等以明年乙卯七月初二日葬  
公于南京大寧山祖塋之次銘曰

陳始恭襄昌運是翊治漕通道允底厥績名在冊書  
萬世無斁爰暨數葉式襄是承出鎮南粵益懋威聲  
孰不為順叛孽以興斧鉞戟燾受命專征乃奮其武  
架入其阻震如雷霆疾于風雨繫其鯨鯢靖我疆土  
帝嘉虎臣疊奏膚功曰尔其還以翼朕躬猷猷方  
棘修我兵戎公來自南于帝之所有嚴有翼爰整  
其旅撫劔長視目無醜虜我既有備虜亦遠迹將犁



漢庭勒功燕石何志之銳乃奪之亟大星曉隕壯業  
以隳天則弗吊人也何為我懷于公志在匡國矢其  
謀猷忌者所抑其不能者曰匪我力弗摧其剛弗毀  
其方矧是正直士行之良刻銘示後公也弗亡

鈴山堂集卷第三十六終



